

## **Arroz negro**

A voz da nena chegaba desde o cuarto de baño. O home, que poñía orde nuns papeis, evitou erguerse aínda para atender a chamada infantil. Axiña os berros da nena se fixeron insistentes. O pai non tivo máis remedio que erguerse e dirixirse ao cuarto de baño.

—Acabei —dixo a nena, sentada sobre a taza do váter.

O pai colleu na man un rolo de papel hixiénico e arrincou un anaco. Entón a nena agarrou o brazo do home, deténdoo, e preguntoulle:

—Papá, ¿por que hoxe teño cacas negras?

O pai dirixiu a súa ollada cara ao interior do retrete e contestou:

—Porque onte comiches arroz negro. ¿Non o lembras?

A nena quedou pensativa e logo, debuxando un sorriso nos beizos, dixo:

—¡É verdade!

De seguido engadiu:

—Espera, papá, non me limpes que non acabei.

O home, contrariado e con intención de non facer caso da nena, replicoulle:

—¿Como que non acabaches? ¿Non me dixeras que xa acabaches?

—Dixera, papá —contestou a nena— pero aínda debo ter máis cacas. ¿Non lembras que onte na comida repetín arroz negro?

Fran Alonso. <http://cabrafanada.blogspot.com.es/2006/12/arroz-negro.html?m=1>